



Seei'm årnn käunnai rääh

Oulu aa'rhelppöört šeelljast lij joulisei'mm.tõn rääjij ij vuei't vä'zzed årstekâni, gu tõt vuõ'i'ggest årstâatt kicstõõzz. Advee'nt poddân tuäjppäikka pue'ttmen moojjsam juõ'kk peei'v tõn muõrâst rajjum sei'mmlaaddâlm, ko'st ooumažhääm da žee'vet liâ âlddsins luâdla šõõra. Leäm vuâmmsam, što tõn pa'ldde årste määng uu'lec rääjij- jââdi. Mättmešt pei'vvpöört päarna puä'tte pâi tõn vä'rdd moojjsed sei'mmlaaddâlm.

Tän čõõuč čõõdtum odđ vee'rjete'mes Odđ testamee'nt jâarglõs UT2020 âânn seei'mest õlmmõõzz "žee'vti suei'n". Odđ testamee'nt kreikkakiõllsast alggte'e'kstest fatnē (φάτις) vuäitt miârkkšõõvvâd žee'vti pöõrrâmkaarât le'be veiddsubun raajâlm, mäddtääll le'be pääi'k, ko'st žee'vtid poorte le'be koozz tõid nâ'rre suõjju. Jâarglâ'ttep- pa sää'nn hâ't-i õlmmõõzzin sei'mm le'be žee'vti suei'n, de joullevanğe'liumâst miârkkto's lij kuuitâg čiõlgg. Kõõčcmõš lij sââ'jest, koozz Isõs, maai'lm Ka'jjeei šiõ'tte tâ'lles šõõdmes mângõ.

Tän jooul vue'lnn kiõččam Aa'rhelppöört šeelljast âârrai sei'mmlaaddâlm tuõivvjes čõõ'lmin, kuuitâg luõiksteen. Davai pue'tti ee'jj le'čči pue'rben. Davai korona jââ'ttem vuäzžče pue'tkķeed da piâzzčim e'pet tiõrvted kiõđâst ki'tte. Kai'bbjep ju'n čuu't kuei'meen kõskkvuõđ, õõldâsvuõđ da kuõskkmõõžž. Čâđđmanan pâjjan advee'nt mollđõs: hoosiann! Vuõi vie'kķed, ka'jjed!

Kiõččâkap väimmam čõõ'lmin tõn seimma, koozz Isõs, maai'lm Ka'jjeei šõõddi. ij gu leäkku õõmâs, što Vuâsppâ'd Pâ'rnn alttii jie'llmes tän maai'lmest samai seämma nalla gu tõn le'be mon; u'ccen, peäute'mmen, ää'ppte'mmen. Vuâsppâ'd šõõddi ooumžen čârrpäikka. Son leäi voops järresi äärmast, mâ't-a puk siõ'me šõõdâmšiätt.

Isõs šõõdmest tän maai'lmma Vuâsppâ'd puõ'di konkreettlânji ââlda mi'jjid, jue'jjeen oummu vue'zz da jälstemkõskkvuõđid. Ooumžen šõõdâm Vuâsppâ'd Pârnna maai'lm da tõn oummi muõ'kkid jiâ ni tän jooul leäkku vee'res. Son tobdd jie'llmen da vue'ssem. Seei'm paaldâst mi'jjid še kâčča jâargled â'lddoummi beälla. Seei'm paaldâst ä'vvne veidsab kuâsttâlm kuei'meen õhttvuõ'tte, pro'sttjõ'sse da suävtõ'sse.

Šiõgg na'zvan, sme'llkâattam tuu tän joulân jiânttõõvvâd seei'm pa'ldde ja oocâd to'ben rääh, koon tät veä'laš maai'lm ij vuei't u'vded. Seimma šõõdâm Isõs lâ'ppii vuõrâsooumžen ravsmõõvmen seu'rreejeez nääi't: "Mon kuâđam ti'jjid rääh. Jijjân rääh mon ooudam ti'jjid, jiom nõkam mõõn maai'lm oudd. Leäkkad sme'llak, jeä'lled vuäjju tuõivvte'mvuõ'tte." (Joh.14:27)

Blouslõvvum jooul Tu'nne da â'lddoummääd!

Oulust advee'nt vue'lnn 2020

Jukka Keskitalo
Oulu aa'rhelkââ'dd aa'rhel